



30.Juli 2012

Inatsisartut suleriaasianni § 37 tunngavigalugu matumuuna Naalakkersuisut apeqquteqaatinik makkunanga apeqquteqaateqarfigaakka:

**Naalakkersuisunut apeqquteqaatit:**

- 1. Siusinnerusukkut massakkulu INI-p inissiaataanni ataasiakkaani najugaqartut kiassarnermut akiliutaasa qulakkeernissaannik suliniuteqarnek ullumikkut qanoq inissimava?**
- 2. Ullumikkut Inissiaatileqatigiiffiup immikkoortorta qarfiisa qassit inissiat ataasiakkaat kiassarnermut akiliisitseriaaseq atulereerpaat, sunalu pissutigalugu Inissiaatileqatigiiffiup immikkoortortaasa tamakkerlutik inissiat ataasiakkaat atuinerat tunngavigalugu akiliisitseriaaseq suli atulersimangilaat?**
- 3. Atuisut tamakkerlutik namminneerlutik atugartik aallaavigalugu kiassalernissaannik sukkanerusumik piviusunnigortitsinissaq anguniarlugu Naalakkersuisut sunik suliniuteqarpat?**

(Inatsisartunut ilaasortaq Jørgen-Ole Nyboe Nielsen, Demokraatit)

**Tunngavigisaq**

Imaattariaqaraluarpoq, atuisuusut kikkulluunniit namminneerlutik atugartik aallaavigalugu akiliuteqartassasut. Ajoraluartumilli tamatigut taamaanngilaq, tassami ilaasa ilaatigut nammineq atukap saniatigut atuisut allat atugaannut akileeqaatasariaqartarmata. Soorlu assersuutigalugu kiassarnermut akiliuteqartarnek ilaatigut taamatut inissisimavoq, tassami ilaatigut imaakkami atuisut ataasiakkaat kiassarnermik atuinerat aallaavigalugu akiligassanik nassiussuinissamut atortorissaarutininik amigaateqarnek pissutigalugu Nukissiorfiit tamatigut periarfissaqartanngimata.

Tamannalumi ajornartorsiutinik nassataqarpoq, tassami atuisut ataasiakkaat namminneerlutik kiammik sipaarniarnissaannut piumassusiannik millisitsinermik nassataqartarmat imaluunniit inigisami nammineerluni kiassarnermut annikinnerusumik akiliisarnermik kinguneqartumik qanoq iliuseqarsinnaanissamik killiliisarluni.

Assersuummik saaqummiussa qarussuppunga:

Takorlooriartigu nammineq inigisamik piginnittut peqatigiiffiata eqqarsaatigigaa inissiap silaataata malunnaatilimmik pitsanngorsarnissaanut kiffiusersornissaanullu aningaasartuuteqarniarluni. Pitsanngorsaanerillu tamakkua soorunami annertumngaatsiartunik aningaasartuutaasussaapput, kisiannili inissiamik piginneqatigiit isumaqarput taamaaliorneq aningaasaliilluarneru-



soq, tassami kiammik atuineq taamaalilluni appartinneqassammat. Ajornartorsiulli tassa kiammik atuineq appariartortoq kiassarnermut akiligassami atuarneqasinnaanngimmat.

Innutaasut namminneerlutik annertunerusumik inigisaminnik piginnittunngornissamut pilersaaruteqarnerannut atatillugu tamanna ajornartorsiutaavoq annertoq. Uvagut nammineerluta inigisatsinnik pilersorniarutta, kiisalu inigisatta ullutsinnut naleqquttuunissaannut akisussaaffimmik tigusiniarutta, taava pitsaangorsaanerit soorlu assersuutigalugu inigisat oqorsaqqinnerisigut kiassarnermut akiliuutit millinerisigut iluaqtigisinnaasariaqarpavut.

Apeqquteqaatit ullut suliffiusut 10-t qaangiutsinnagit akissuteqarfiginissaat kissaatigaara.